

摘藻堂四庫全書薈要

集部

欽定四庫全書蒼要卷一萬八千二百三十三

集部

御定全唐詩卷八百二十八

貫休

大蜀皇帝壽春節進堯銘舜頌二首

堯銘

金冊昭昭列聖孤標仲尼有言魏魏帝堯承天眷命罔
厥矜驕四德炎炎堦奠不凋永孚於休垂衣飄飄吾皇
則之小心翼翼東陽亭毒不遑暇食土堦苔綠茅茨雪

滴君既天賦相亦天錫德
翰金鏡以聖繼聖漢高將將
太宗兵柄吾皇則之日新德盛
朽索六馬罔墜厥命熙熙
熙蓼蕭塊潤風調舞擎干羽
囿人藹蕙既玉其葉亦金
其枝葉葉枝枝百工允釐享國
如堯不疑不疑

舜頌

高高歷山有黍有粟皇皇大舜
合堯玄德五典克從四
門伊穆大道將行天下為公
臨下有赫選賢用能吾皇
則之無斁無逸綏厥品彙光
光得一千輻臨頂十在隨

蹕大哉大同為光為龍吾皇則之聖謀隆隆納隍孜孜
孜孜切切六宗是禋五瑞斯列排麟環鳳披香立雪四
夷納賚九圍一作固有截昔救世師降生竺乾壽春亦然
萬年萬年

大蜀高祖潛龍日獻陳情偈頌

有叟有叟居岳之室忽振金湯下彼巉岬聞蜀風景地
寧得一富人侯王旦爽摩詰龍角日角紫氣盤屈揭日
月行符湯禹出天步孔艱橫流犯蹕穆穆蜀俗整整師

律髯髮垂雪忠貞貫日四人蘇活萬里豐謚無雨不膏
有露皆滴有叟有叟無實行實一瓶一衲既朴且質幸
蒙顧盼詞煖恩鬱軒鏡光中願如善吉

寄大願和尚

注內缺
三字

道朗居太山達磨住熊耳手擎清涼月靈光溢天地盡
騎金師子去世久已矣吾師隱廬岳外念全剗削擲乳
聖之日月相空王之橐籥曾升麟德殿譚無著賜衣三

鉢讓不著

太平襄相公與師詩云竟辭聖
主宮中詔來赴遺民社內期

唯思紅泉白

石閣因隨裴楷離京索

時裴公出守鍾陵與師同行

邇來便止於匡

霍瀑布千尋噴冷煙旃檀一枝翹瘦鶴峴首故人清信

在千書萬書取不諾

裴公鎮襄陽頻使迎取師堅不往

微人昔為門下

人扣玄佩惠無邊垠自憐亦是師子子未逾三載能頻

呻

江西三載誦法華經

一從散席歸寧後溪寺更有誰相親青山

古木入白浪赤松道士為東鄰焚香西望情何極不及

曇詵淚空滴

詵遠公弟子常在左右

桐江太守社中人還送却超

米千石

昔却鑒送米入山與道安

寶書遽掩修章句萬里空函亦何

益終須一替辟虵人未解融神出空寂

匡山神為遠公侍者 辟虵人

大師曾書 不知何緣得相見惟冲融無相而會耳

上顧大夫

碧海漾仙洲 驪珠外無寶
一岳倚青冥 羣山盡如草
君侯聖朝瑞 動只闕玄造
誰云倚天劍 含霜在懷抱
誰云青雲險 門前是平道
洪民亦何幸 里巷清如掃
至化無經綸 至神無祝禱
即應炳文柄 孤平去浩浩
即應調鼎味 比屋堪封保
野人慕正化 來自海邊島
經傳髻裏珠

詩學池中藻閉門十餘載庭杉共枯槁今朝投至鑒得
不傾肝腦斯文如未精歸山更探討

寒月送玄

一本有道字

士入天台

之子逍遙塵世薄格淡於雲語如鶴相見唯談海上山
碧側青斜冷相沓芒鞋竹杖寒凍時玉霄忽去非有期
僮擔赤籠密雪裏世人一作上無人留得之想入紅霞路
深邃孤峰縱嘯仙飈起星精聚觀泣海鬼月湧薄煙花
點水送君丁寧有深旨好尋佛窟遊銀地

佛窟銀地皆天台雲境也

雪眉衲僧皆正氣伊昔貞白先生同此意若得神聖之
藥即莫忘遠相寄

上杜使君

為魚須處海為木須在岳一登君子堂頓覺心寥廓右
聽青女鏡左聽宣尼鐸政術似蒲盧詩情出冲漠從來
苦清苦近更加澹薄訟庭何所有一隻兩隻鶴煙霞色
擁墻禾黍香侵郭嚴霜與美雨皆從二天落蒼生苦瘡
痍如何盡消削聖君新雨露更作誰恩渥即捉五色筆

密勿金鑿角即同房杜手把乾坤橐籥休說卜圭峰開
門對林壑

送僧入馬頭山

馬頭寶峰香塞寒空有叟有叟真隱其中無味醍醐亦
非般若白趾碧目數百瀟灑苦竹大於杉白熊卧如馬
金鍾撼壑布水噴瓦芙蓉堂開峰月入岳精踏雪立屋
下伊余解攀緣已是非常者更有叟獨往來與我語情
無剛彊氣透今古竹笠援補芒鞋藤乳北風倒人乾雪

不聚滿頭霜雪湯雪去湯雪去無人及空望真氣江上
立

上盧使君

第二十四
句缺一字

夔龍在廟堂雖然有僉議蒼生得父母自是天之意鄙
陽氣候正文物皆鮮媚金鏡有餘光春風少閒地膺門
倚寒碧到者寧容易賓從皆鳳毛爪牙悉猿臂樓臺千
萬戶錦繡龍歌沸大惠蟲鳥全至巖龍虎畏可憐召伯
樹婆娑不勝翠詩搜日月華道嚙神仙味嘉樹白雀來

祥煙甘露墜中川一帶香
開幽邃地逸少情有餘東
山境不啻恭聞聖天子廊廟猶虛位應知黎庶心只恐
徵書至

送顥雅禪師

霜鋒斲石鳥雀聚帆凍陰飈吹不舉芬陀利香釋驕虎
幡幢冒雪爭迎取春光主芙蓉堂窄堆花乳手提金桴
打金鼓天花娉婷下如雨後猊座上師子語苦却樂樂
却苦盧至黃金忽如土

和楊使君遊赤松山

為郡三星無一事，龔黃意外扳喬松。
日邊揚歷不爭路，雲外苔蘚須留蹤。
溪月未落漏滴滴，隼旟已入山重重。
捫蘿蓋輸山屐伴，駐旆不見朝霞濃。
乳猿劇黠掛險樹，露木翠脆生諸峰。
初平謝公道非遠，黯然物外心相逢。
石羊依稀斲瑤草，桃花彷彿開仙宮。
終當歸補吾君袞，好山好水那相容。

送崔使君

字 缺二

柳門柳門芳草芊綿日日日黯黯然黯然子牟戀闕歸
闕王粲下樓相別食實得地頗淹歲月今朝天子在上
合雪必雪况絳之牧文行炳潔釋謂緣因久旼清塵王
嘉迎安遠狎遺民媿彼二子厥或相似論文不文話道
無滓士有貴逼勢不可遏麟步規矩鳳翥昂拊峴首仁
蹤項頻跋商雲乳麝香可撮望塵
連紫闥吾皇必

用整乾坤莫忘江頭白頭達

白頭達事
見高僧傳

杜侯行

并序

愚自江東兵荒之後受杜氏兄弟深知往曾見陳
陶與撫州蔡京使君雜言曰蔡氏行今亦擬之曰
杜侯行云耳

天目連天搏秀氣崢嶸作起新城地德門鍾秀光盛時
三虎八龍皆世瑞頃者天厖亂下鯨翻海烽火崩騰照
行在江表唯傳君子營劍衝牛斗疏真宰金昆玉季輕
三鼓煮海懸魚臣節苦鴈影參差入瑞煙荆花燦爛開
仙圃我聞大中咸通真令主相惟大杜兼小杜但能致

君活國濟生人亦何必須踏金梯折桂樹宣宗懿宗調
舜琴大杜小杜為殷霖出將入相兮功德深生人受賜
兮直至今杜侯兄弟繼之後璞玉渾金美騰口常言一
呼百萬何足云終取封侯之印大如斗恭聞吾皇似堯
禹搜索賢良皆面覩杜侯杜侯君儻修令德克有終即
必還為大杜兼小杜人之戴兮天筆註國之福兮天固
祚四海無波八表臣如今而後君看取

偶作五首

誰信心火多多能焚大國誰信鬢上絲莖莖出蠶腹嘗
聞養蠶婦未曉上桑樹下樹畏蠶飢兒啼亦不顧一春
膏血盡豈止應王賦如何酷吏酷盡為搜將去蠶蛾為
蝶飛偽葉空滿枝冤梭與恨機一見一霑衣

機生機巧生巧心鑊烘烘日煎炒闖蜀眉頓遊海島扶
桑椹熟金烏飽金烏飽飛復飛四天下人眼眙眙

孰云我輕薄石頭如何喚作玉孰云我是非隨邪逐惡
又爭得古人終不事悠悠一言道合死即休豈不見大

鵬點翼蓋十洲是何之物鳴啾啾

君子食即食何必在珍華小人食不食縱食如泥沙清
歌且莫唱妙舞亦休誇爾非鳳炙麒麟肉焉能一掛於
齒牙去來去來歸去來紅泉正灑芙蓉霞

君不見金陵風臺月榭煙霞光如今五里十里野火燒
茫茫君不見西施綠珠顏色可傾國樂極悲來留不得
君不見漢王力盡得乾坤如何秋雨灑廟門銅臺老樹
作精魅金谷野狐多子孫幾許繁華幾更改唯有堯舜

周召丘軻似長在坐看樓閣成丘墟莫話桑田變成海
吾有清涼雪山雪天上人間常皎潔茫茫慾火欲燒人
惆悵無因為君說

山中作

山為水精宮藉花無塵埃吟狂岳似動筆落天瓊瓌伊
余自樂道不論才不才有時鬼笑兩三聲疑是大謝小
謝李白來

聞前王使君在澤潞居

為善無近名竊名者得聲不如心誠哉是言也使君聖
朝瑞乾符初刺婺德變人性靈筆變人風土煙霞與蟲
鳥和氣將美雨千里與萬里各各來相附信哉有良吏

玄讖應百數

東陽古者相傳有記云刺史滿一百即有好刺史來後有大寇至使君來正當一百

人兩年後果有黃賊來公避地遠去

古人古人自古人今日又見民歌六

七袴不幸大寇崩騰來孤城勢孤固難錮攀轅既不及
旌旆衝風露大駕已西幸飄零何處去婺人空悲哀對
生祠泣沾莓苔忽聞暫寄河之北兵強四面無塵埃唯

祝鑾輿早歸來用此咎繇仲虺才使四野霧廓八紘鏡
開皇天無親長與善鄰宜哉宜哉

將入匡山別芳晝二公二首

一作將入
廬山別僧

噴嵐堆黛塞寒碧窗前古雪如白石臨歧約我來不來
若來須撥紅霞覓

紅豆樹

一作
花

間滴紅雨戀師不得依師住世情世界愁

殺人錦繡谷中歸舍去

送楊秀才

北山峨峨香拂拂翠漲青奔勢巉嶮赤松君宅在其中
紫金為墻珠作室玻璃門外仙獼睡幢節森森絳煙密
水精簾捲桃花開文錦娉婷衆非一撫長離坎荅鼓花
姑吹簫弄玉起舞三萬八千為半日海涸鰲枯等閒覩
愛共安期碁苦識彭祖祖有時朝玉京紅雲擁金虎石
橋亦是神仙住一作柱白鳳飛來又飛去五雲縹緲羽翼
高世人仰望心空勞

別杜將軍

伊余本是胡為者採葦鋤茶在窮野偶披蓑笠事空王
 餘力為文擬何謝少年心在青雲端知音滿地皆龍鸞
 遽逢天步艱難日深藏溪谷空長歎偶出重圍遇英哲
 留我江樓經歲月身偃玉帳香滿衣夢歷金盆
 雨和雪東風來兮歌式微深雲道人召來歸燕辭大厦
 今將何為濛濛花雨兮鶯飛飛一汀楊柳同依依

金華山
最高處

送夢上人歸京

伊余龍鍾歸海涯千山萬水情自怡夢公別我還上國

江邊慘執行遲遲向我道雲中覓伴未得伴又示我數
首新詩盡是詩只恐不如此若如此如此即須天子知
蕭蕭金吹荆門口槐菊鬪黃落葉走前程勝事未可涯
但恐圭峰難入手蓮峰掌記韓拾遺鴈行雍穆世所稀
二十年前即別離憑師一話吟朝飢

問岳禪師疾

世病如山岳世醫皆拱手道病如金鎖師遭鎖鎖否

大塵

為世病無為無事
為道病如金鎖

伊昔芙蓉頰談經似主涉蘇合晝氣

盪天花似飛蝶覺樹垂實魔輩刺疾病也不問終不彼
膝師常坐不卧也春光冉冉不上爾質東風浩浩謾入爾室云
何斯人而有斯疾

上荆南府主三讓德政碑

明明赫赫中興主動納諸隍冠前古四海英雄盡戢兵
皆如圪圪一作砣砣天金柱萬姓多論政與德請樹豐碑似
山岳一從寇滅二十年琬琰雕鐫賜重疊荆州化風何
卓異寡欲無為合天地雖立貞碑與衆殊字字皆是吾

皇意君侯捧碑西拜泣臣且何人恩洊及鳳皇

一作

銜

下雕龍文德昧政虛爭敢立函封三奏心匍匐堅讓此
碑聲蓋國我恐江淹五色筆作不立此碑之碑文不得

施萬病丸

我聞昔有海上翁鬚眉皎白塵土中葫蘆盛藥行如風
病者與藥皆惶惚藥王藥上親兄弟救人急於己諸體
玉毫調御偏讚揚金輪釋梵咸歸禮賢守運心亦相似
不吝親親拘子子曾聞古德有深言由來大士皆如此

甘雨應祈

春雨偶愆期草木亦未覺君侯不遑處退食或閉閣東
海浪滔滔西江波漠漠得不願身為大虬金其角玉其
甲一吸再唾雲平霧匝華暢九有清傾六合使不蘇者
蘇不足者足情通上玄如膏綿綿有叟有叟鼓腹歌於
道邊歌曰麥苗芄芄兮鷓鴣飛日出而作兮日入歸如
彼草木兮雨露肥古人三樂兮我樂多之天之成兮地
之平兮柘系黃兮瓠葉青兮乳女啼兮蒸黍馨兮炙背

捫虱兮復何經營兮

寄韓團練

真宰動洪鑪萬物皆消息唯有三珠樹不用東風力君
子天廟器頭骨何巉崩海內久聞名江西偶相識誰不
有詩機麟龍不解織誰不有心地蘭茝不曾植多君二
俱作獨立千仞壁話道出先天憑師動臻一作
臻極青霄
鴈行律紅露荆花滴偶然成遠別別後長相憶行至鄱
陽郡又見謝安石留我遇殘冬身心苦恬寂江上春又

至引頸山空積何日再相逢天香滿瑶席

春野作五首

閒步淺青平綠流水征車自逐誰家挾彈少年擬打紅
衣喙木

山花雨打盡滿地如爛錦遠尋鷓鴣離拾得一團草
大牛苦耕田乳犢望似泣萬事皆天意綠草頭叢叢
斜陽射破冢髑髏半出地不知誰氏子猶自作意氣
牛兒小牛女少拋牛沙上鬪百草鉏隴老人又太老薄

煙漠漠覆桑棗戴嵩醉後取次掃

深山逢老僧二首

衲衣綿麓心似月自把短鋤鋤楮青石溪邊踏葉行
數片雲隨兩眉雪

山童貌頑名乞乞放火燒畬采崖蜜擔頭何物帶山香
一蘿白葷一蘿栗

道情偈

草木亦有性與我將不別我若似草木成道無時節世

人不會道向道却嗔道傷嗟此輩人寶山不得寶

懷二三朝友

傷心復傷心流光似飛電有惠驪龍十斛珠不如一見
君子面愁人復愁人滿眼皆埃塵有惠黃金一萬斤不
如一見於仁人我昔讀詩書如今盡拋也只記得田叔
孟溫舒帝王滿口呼長者

偶作

君子稱一善馨香遍九垓小人妬一善處處生嫌猜口

如暴死人鐵尺拗不開
稂莠蝕田髓積陰成冬雷因知
咋舌人千古空悠哉

義士行

先生先生不可遇
愛平不平眉斗豎
黃昏雨電空似鬣
別我不知何處去

觀懷素

一本有上人二首

草書歌

張顛顛後顛非顛
直至懷素之顛始
是顛師不譚經不
說禪筋力唯於草書朽

一作妙

顛狂却恐是神仙有神助

兮人

一作神

莫及鐵石畫兮墨須入金尊竹葉數斗餘半

斜

一作飲

半傾山衲濕醉來把筆擲

一作猛

如虎粉壁素屏

不問主亂拏亂抹無規矩羅剎石上坐伍子胥蒯通八

字立對漢高祖勢崩騰兮不可止天機暗轉鋒銜裏閃

電光邊霹靂飛古栢身中淠

一作旱

龍死駭人心兮目賊

音瞋

音旭

頓人足兮神辟易乍如沙場大戰

一作戰

後斷槍

檄箭

一作骸

一作折骨

皆一作何狼籍又似深山朽

一作怪

石上古病

松枝掛鐵錫月兔筆天竈墨斜鑿黃金側剡玉珊瑚枝

長大束

一作如

東天馬驕獐不可勒東却西南又北倒又

一作還

起斷復續忽如鄂公喝

一作捉

住單雄信秦王肩上

剔

一作搭

著棗木梨懷素師懷素師若不是星辰降瑞即

必是河岳孕靈固宜須冷

一作令

笑逸少爭得不心醉伯

英天台古杉一千尺崖崩削

一作岸

折何崢嶸或細微仙

衣半拆

一作縫綻

金線垂或妍媚桃花半紅公子醉我恐山

為墨兮磨海水天與筆兮書大地

一作海為水天為筆兮書大地

乃能

畧展狂僧意常恨與師不相識一見此書空歎息伊昔

張渭

一作謂

任華葉季良數子贈歌宣虛飾所不足者渾

未曾道著其神力石橋被燒燒

一作却

良玉土不

一作不土

蝕

錐畫沙兮印印泥世人世人爭得測知師雄名在世間
明月清風有何極

送盧舍人三首

一曰勸君不用登峴首山讀羊祜碑男兒事業須自奇
此碑山頭如日月日照人人不知人不知青山白雲
徒爾為

二曰勸君登商山不用覓商山皓雲深雪深騾馬倒我
願終南太華變為金吾后見之不為寶我願九州四海
紙幅幅與君為諫草使躡高踐夔逢軒見皞日環五色
是物得老如此即商山皓商山皓君不用討他他必來
相討

三曰君不見釋梵諸天壽億垓天上人間去復來君又
不見紫金為輪一千幅寶洲 四皆臣伏輪王釋梵作
何因祇是弘隆大乘福自古皇王與賢哲頂敬心師刻

金玉報通三世釋迦言莫將梁武為題目君不見近代

韋爽蔣與蕭

韋處厚相國出入廟堂禮佛如朝見君父
爽休相國師事空王信敬無比出將入相

偏重禪門蔣

相國牆塹空門為大檀越中書藩鎮常

事天王蕭做相國清德冠世白業常修為佛骨碑見行

於當文房書府師百僚代天理物映千古布髮掩泥非

一朝大哉釋梵輪王璞已矣何人繼先覺行行珍重寄

斯言斯言不是尋常曲

缺一字

宿深村

行行一宿深村裏雞犬豐年鬧如市黃昏見客合家喜

月下取魚岸塘水

黃鶯

一種為春禽花中開羽翼如何此鳥身便是黃金色黃
金色若逢竹實終不食

送越將歸會稽

面如玉盤身八尺燕語清癯戰袍窄古嶽龍腥一匣霜
江上相逢雙眼碧冉冉春光方婉婉黯然別我歸稽嶽
他年必帥邯鄲兒與我殺輕班定遠

別仙客

巨鼇頭縮翻仙翠
蟠桃爛落珊瑚地
浪濺霓旌濕鵬翅
畧別千年太容易

寒江上望

荒岸燒未死白雲
癡不動極目無人
行浪打取魚籠

讀唐史

我愛李景伯內宴
執良規君臣道昭
彰天顏終熙怡大
簸怕清風糠粃繚
亂飛洪鑪烹五金
黃金終自竒大哉

為忠臣捨此何所之

樵叟

樵父貌飢帶塵土

一作風雨

自言一生苦寒苦

一作暑

擔頭擔


箇赤瓷甕斜陽獨立

一作入

濛龍塢



御定全唐詩卷八百二十八



總校官庶吉士臣張能照

校對官中書臣張塤

謄錄監生臣張曾溶

欽定四庫全書薈要

集部

御定全唐詩卷八百

二十九至
三十一

詳校官原任主事臣李斯咏

欽定四庫全書蒼要卷一萬八千二百三十四

集部

御定全唐詩卷八百二十九

貫休

春山行

重疊太古色濛濛花雨時好峰一作山行恐盡流水語相

隨黑壤生紅黍

一作
求

黃猿領白兒因思石橋月曾與故

一作
道人期

送諫官南遷

危行危言者從天落海涯如斯為遠客始是好男兒瘴
雜交州雨犀指馬援碑不知千萬里誰復識辛毗

懷香爐峰道人

常思峰頂叟石窟土為牀日日先見日煙霞多異香冥
心同槁木掃雪帶微陽終必相尋去斯人不可忘

觀李翰林真二首

日角浮紫氣凜然塵外清雖稱李太白知是那星精御
宴千鍾飲蕃書一筆成宜哉杜工部不錯道騎鯨

誰氏子丹青毫端曲有靈屹如山忽墮爽似酒初醒天
馬難攏勒仙房久閉扃若非如此輩何以傲彤庭

晚泊湘江作

一作晚泊
湘江懷古

煙浪養

濛一作

秋色高吟似有

一作

鄰一輪湘渚月萬

一作

千古獨醒人岸濕穿花遠風香禱廟頻祇應諛佞者到
此不傷神

淮上逢故人

故園離亂後十載始逢君長恨南熏奏尋常只自聞荒

窗秋見岳赤地夜生雲莫歎謀身晚中興正用文

讀杜工部集二首

造化拾無遺唯應杜甫詩豈非玄域橐

一作橐

奪得古人

旗日月精華薄山川氣槩卑古今吟不盡惆悵不同時
甫也道亦喪孤身出蜀城彩毫終不擲白雪更能輕命
薄相如命名齊李白名不知耒陽令何以葬先生

題簡禪師院

機忘室亦空靜與沃洲同惟有半庭竹能生竟日風思

山海月上出定印香終繼後傳衣者還須立雪中

讀劉得仁賈島集二首

二公俱作者其柰亦迂儒且有諸峰在何將一第吁句
還如菡萏誰復贈檐榆想得重泉下依前與衆殊

役思曾衝尹多言阻國親桂枝何所直陋巷不勝貧馬

病唯

一作難

湯雪門荒劣有人伊余吟亦苦為爾一眉頰

天台

一本無上二字

老僧

獨住無人處松龕嶽色侵僧中九十臘雲外一生心白

髮垂不剃青眸笑轉深猶能指孤月為我暫開襟

經費隱君舊宅

巉巖玉九株秀濕掩蒼梧祥瑞久不出義軒消得無雨
和高瀑濁燒燼大櫛枯到此思歸去迢迢隔五湖

秋末懷舊山

昔住匡廬北無人知姓名侵雲收穀粟引蟻上柑橙寒
雨雪兼落枯林虎獨行誰能將白髮共向北中生

春過鄱陽湖

百慮片帆下風波極目看吳山兼鳥沒楚色入衣寒過
此愁人處始知行路難夕陽沙島上回首一長歎

寄僧野和尚

鳥一作鳥外更誰親諸峰即四鄰白頭寒枕石青衲爛無

塵橡栗堆行徑猿猴遶定身儻然重結社願作掃壇人

寄馮使君

端居碧雲暮好鳥啼紅芳滿郭桃李熟捲簾風雨香清
吟繡段句默念芙蓉章未得歸山去頻升謝守堂

寄紫閣隱者

積翠藏一叟常思未得遊不知在巖下為復在峰頭苔
上枯藤笕泉淋破石樓伊余更何事不學此翁休

寄天台道友

大是清虛地高吟到日晡水聲金磬亂雲片玉盤粗仙
有遺蹤在人還得意無石碑文不直壁畫色多枯冷立
千年鶴閒燒六一爐松枝垂似物山勢秀難圖紫府程
非遠清溪徑不迂馨香栢上露皎潔水中珠賢聖無他

術圓融只在吾寄言
桐栢子珍重保之乎

旅中懷孫路

暮塵微雨收蟬急
楚鄉秋一片月出海
幾家人上樓砌
香殘果落汀草宿
煙浮唯有知音者
相思歌白頭

貽世

至理不誤物悠悠
自不明黃金燒欲盡
白髮火邊生苦
惑神仙讖難收
日月精捕風兼繫
影信矣不須爭

覽李秀才卷

香沐整山衣開君一軸詩吟當秋景苦味出雪林遲經
濟幾人到工夫兩髮知因嗟和氏淚不是等閒垂

懷方干張為

冥搜入仙窟半夜水堂前吾道祇如此古人多亦然螢
沉荒塢霧月苦綠梧蟬因憶垂綸者滄浪何處邊

四皓圖

何人圖四皓如語話嘮嘮雙鬢雪相似是誰年最高溪
苔連豹褥仙酒汙雲袍想得忘秦日伊余亦合逃

懷白閣道侶

寒思白閣層石屋
兩三僧斜雪掃不盡
飢猿喚得應香
然一字火磬過數潭
冰終必相尋去
孤懷久不勝

讀孟郊集

東野子何之詩人
始見詩清剗霜雪
髓吟動鬼神司舉
世言多媚無人師
此師因知吾道後
冷淡亦如斯

懷四明亮公

孤峰含紫煙師住此
安禪不下便不

一作石

下如斯太可

憐坐侵天井黑吟久海霞薦豈覺塵埃裏干戈已十年

秋過錢塘江

巨浸東隅極山吞大野平因知吳相恨不盡海濤聲黑
氣騰蛟窟秋雲入戰城遊人千萬里過此白鬚生

上俞許二判官

近拋蓑笠者急善遇休明未省親宗伯焉能識正聲病
容經夏在岳夢入秋并無限林中意今逢許郭傾

懷劉得仁

詩名動帝畿身謝亦因詩白日只如哭皇天得不知旅
墳孤躑岳嬴僕泣如兒多少求名者聞之淚盡垂

歸故林後寄二三知己

昨別楚江邊逡巡早數年詩雖清到後人更瘦於前岸
翠連喬嶽汀沙入壞一作田何時重一見談笑有茶煙

春寄西山陳陶

搔首復搔首孤懷草萋萋春光已滿目君在西山西
水成文去庭柯擎翠低所思不可見黃鳥花中啼

秋末江行

四顧木落盡扁舟
增所思雲衝遠燒出帆轉大荒遲天際
霜雪作水邊蒿艾衰斷援不堪聽一聽亦同悲

送人歸新羅

昨夜西風起送君歸故鄉
積愁窮地角見日上扶桑
蜃氣生初霽潮痕匝亂荒
從茲頭各白魂夢一相望

思匡山賈匡

一作寒夜思
廬山賈生

山兄詩癖甚寒夜更何為
覓句唯

一作如

頑坐嚴霜打不

知石膏粘木屐

履一作

崖蜜

栗一作

落冰池近見禪僧說生

涯勝往時

偶作

十載獨扃扉唯為二雅詩道孤終不雜頭白更何疑句
冷杉松與霜嚴鼓角知修心對閒鏡明月印秋池

贈方干

盛名與高隱合近謝敷村弟子已得桂先生猶灌園垂
綸侵海介拾句歷雲根白日昇天路如君別有門

弟子謂李

也頻

漁父

一葉一竿竹眉鬚
雪欲零陸應無祖業
香必是伊腥兒
亦名魚鷓歌稱我一作爾
洞庭回頭深自媿
舊業近滄溟

題友人山居

卜居鄰塢寺魂夢又相關
鶴本如雲白君初似我閒
月明僧渡水木落火連山
從此天台約來茲未得還

寄宋使君

寺倚烏龍腹窗中見碧稜空廊人畫祖古殿鶴窺燈風
吼深松雪爐寒一鼎冰唯應謝內史知此道心澄

懷武夷紅石子二首

常思紅石子獨自住山椒窗外猩猩語爐中妣妣嬌乳
香諸洞滴地秀衆峰朝曾見竒人說煙霞恨太遙

弋者終何慕高吟坐綠螯燒侵薑芋窖僧與水雲袍竹
鞘奮刀缺松枝獵箭牢何時一相見清話擘蟠桃

送人征蠻

七縱七擒處君行事可攀亦知磨一劍不獨定諸蠻樹
盡低銅柱潮常沸火山名須麟閣上好去及瓜還

懷周朴張為

二子無消息多因各自耕巴江思杜甫漳水憶劉楨白
髮應全白生涯作麼生寄書多不達空念重行行

寄令狐郎中

雨打繁暑盡放懷步微涼綠苔狂似人入我白玉堂漸
鳥眠堪畫庭檉夜益香唯應藥宮子時到虎溪傍

鄱陽道中作

鄱陽古岸邊無一樹無蟬路轉他山大碣驅鄉思偏湖
平帆盡落天淡月初圓何事堯雲下干戈滿許田

歸故林別知己

別離無古今柳色向人深萬里長江水平生不印心遠
書容北鴈贈別謝南金媿勉青雲志余懷非陸沈

送僧遊天台

囊空心亦空城郭去騰騰眼作麼是眼僧誰識此僧歇

隈紅樹久笑看白雲崩已有天台約深秋必共登

詠竹根琰子

出處慙林數才微幸一陽不緣懷片善豈得近馨香節
亦因人淨聲從擲地彰但令筋力在永願報時昌

硯瓦

淺薄雖頑朴其如近筆端低心蒙潤久入匣更身安應
念研磨苦無為瓦礫看儻然仁不棄還可比琅玕

水壺子

良匠曾陶瑩多居筆硯中一從親几案常恐近兒童卓
立澄心久提攜注意通不應嫌器小還有濟人功

筆

莫訝書紳苦功成在一毫自從蒙管錄便覺用心勞手
點時難棄身閒架亦高何妨成五色永願助風騷

碁

碁信無聲樂偏宜境寂寥著高圖暗合勢王氣彌驕人
事掀天盡光陰動地銷因知韋氏論不獨為吳朝

夜對雪作寄友生

皓彩中宵合開門失所蹤一作何年今夜意共子在一作

老孤峰氣射燈花落光侵壁罅濃唯君心似我吟到五

更鐘

題惠琮律師院

苦節兼青目公卿話有餘唯傳黃葉喻還似白泉居猿

撥孤雲破鍾撞衆木疎社壇蹤跡在重結復何如

寄清泠山道人

常憶清泠子深雲種早未萬緣雖不涉一句子如何蹤
跡諸峰匝衣裳老虱多江頭無事也終必到煙蘿

秋盡途中作

行行芳草歇潭島葉紛紛山色路無盡砧聲客強聞殘
陽曜極野黑水浸空墳那得無鄉思前程入楚雲

秋居寄王相公三首

首句缺一字

禪林蟬 落地燥可生苔好句慵收拾清風作麼來餅
唯餐喜悅社已得宗雷還似山中日柴門更不開

松聲高似瀑藥熟色如花誰道全無病時猶不在家

逐六塵名不在家也

山童舂菽粉園叟送銀瓜誰訪孫弘閣談玄

到日斜

氣與非常合常人爭得知直須窮到底始是出家兒閣
雀銜紅粟鄰僧背古碑祇應王與謝時有沃州期

讀玄宗幸蜀記

宋璟姚崇死中庸遂變移如何遊萬里祇為一胡兒泣
溷乾坤色飄零日月旗火從龍闕起淚向馬嵬垂始憶

張丞相全師郭子儀百官皆剽劫九廟盡崩隳塵撲銀

輪

一作榦

暗雷奔棧閣危倖臣方賜死野老不勝悲

時有羣叟

遮道泣見于上

及雷飄淪日行宮寂寞時人心雖未厭天意亦

難知聖兩歸丹禁承乾動四夷因知納諫諍始是太平

基

御定全唐詩卷八百二十九

欽定四庫全書薈要卷一萬八千二百三十五

集部

御定全唐詩卷八百三十

貫休

聞徵四處士

一詔羣公起移山四海聞因知丈夫事須佐聖明君
白
酒全傾甕蒲輪半載雲從茲居諫署筆硯幾人焚

送友人下第遊邊

失意窮邊去孤城值晚春黑山霞不赤白日鬼隨人角

咽胡風緊沙昏磧月新明時至公在迴首莫因循

寄匡山紀公

錦繡谷中人相思入夢頻寄言無別事琢句似終身書
卷須求肯鬚根易得銀斯言如不惑千里亦相親

聞無相道人順世五首

一事不經營孤峰長老情惟餐椽子餅愛說道君兄池
藕香狸掘山神白日行又聞行脚也何處化羣生

自昔尋師日顛峰絕頂頭雖聞不相似特地使人愁庭

樹雪摧殘上有白獼猴大哉法中龍去去不可留
常思將道者高論地爐傍迂談無世味夜深山木僵下
山遭離亂多病惟深藏一別三十年煙水空茫茫
石霜既順世吾師亦不住杉桂有猩猩糠粃無句句土
肥多孟巖道老如嬰孺莫比優曇花斯人更難遇
百千萬億偈共他勿交涉所以那老人密傳與迦葉吾
師得此法不論劫不劫去矣不可留無踪若為躡

苦熱

松桂枝

書一作

不動陽烏飛半天稻麻須

一作頌
又作難

結實沙

石欲生煙毒氣仍干扇高枝不立蟬舊山多積

一作貯

雪

歸去是何年

鄂渚贈祥公

寂寥堆積者自為是高僧客遠何人識吟多冷病增松
煙青透壁雪氣細吹燈猶賴師於我依依非面朋

懷武昌樓一二首

常憶能吟一房連古帝墟無端多忤物唯我獨知渠病

愈囊空後神清木落初祇因烽火起書札自茲疎

清風江上月霜灑月中砧得句先呈佛無人知此心

師得

句祇云堪
供養佛

寂寥從鬼出蒼翠到門深惟有雙峰寺時時

獨去尋

寒食郊外

寒食將吾族相隨過石溪塚花沾酒落林鳥學人啼白
水穿蕪疾新霞出霧低不堪回首望家在赤松西

送道士歸天台

道高留不住道去更何云舉世皆趨世如君始愛君徑
侵銀地滑瀑到石城聞它日如相憶金桃一為分

經孟浩然鹿門舊居二首

孟子終焉處遊人得得過
棧深黃狖小地煥白雲多
乳聖嗟大謬玄宗爭柰何
空餘峴山色千古共嵯峨
花落谷鶯啼精靈安在哉
青山不可問永日獨裴回
塚穴應藏虎荒碑祇見苔
伊余亦惆悵昨日郢城迴

春送禪師歸閩中

春色滿三湘送師還故鄉穿霞逢黑鳩乞食得紅薑大
化宗門闢孤禪海樹涼儻為新句偈寄我亦何妨

途中逢周朴

東西南北路相遇共興哀世濁一作無知己子從何處

來菊哀芳草在程遠宿煙開儻遇中興主還應不用媒

避寇山中作

山翠碧嵯峨攀牽去者多淺深俱得地好惡未知他有
草皆為戶無人不荷戈相逢空悵望更有好時麼

避寇上唐臺山

蒼黃緣鳥道峰脅見樓臺
檉桂香皆滴煙霞濕不開
僧高眉半白山老石多摧
莫問塵中事如今正可哀

題嶧桐

一作律師院

律中麟角者高談出塵埃
芳草不曾觸幾生如此來
壑風吹磬斷杉露滴花開
如結林中社伊余亦願陪

上馮使君渡水僧障子

跣足拄已藤潺湲渡幾曾
盡權無著印不是等閒僧
熊

耳應初到牛頭始去登畫來偏覺好將寄柳吳興

秋夜翫月懷玉霄道士

光異磨礮出輪非雕斲成今宵剛道別舉世勿人爭征
婦砧添怨詩人哭到明惟宜華頂叟笙磬有餘聲

上杭州令狐使君

顏冉德無鄰分憂浙水濱愛山成大癖求瘼似諸身視
事奸回盡登樓海岳春野人如有幸應得見陶鈞

懷諸葛珏

一作覺

二首

諸葛子作者詩曾我細看出山因覓孟踏雪去尋韓

孟遇

郊韓愈 謬獨哭不錯

諸葛云思牽吳山起吟索剡雲開

常流飲實難

葛諸

于洛下

曾為僧名然有詩云到處自鑿井不能飲常流

知音知便了歸去舊江干

羸馬與羸童微吟冒北風店孤僧共歇日落思無窮囊

草無非刺魏人那識公

投魏不遇而去

鶯花五陵道去去與誰

同

懷錢唐羅隱章魯封

二子依公子雞鳴狗盜徒青雲十上苦白髮一莖無風

澀潮聲惡天寒角韻孤
別離千萬里何以慰榮枯

送沈侍郎

從知無遠近木落去閩城
地入無諸俗冠我甲乙精
山多高興亂江直好風生
儉府清無事唯應薦禰衡

題宿禪師院

身閒心亦然如此已多年
語淡不著物茶香別有泉
古衣和蘚袖新偈幾人傳
時說秋歸夢孤峰在海邊

秋夜泊石頭驛有寄

蕭索漳江北何人慰寂寥北風人獨立南國信空遙燒
塢新雲白漁家衆木凋所思不可見行雁在青霄

別盧使君

杜宇聲聲急行行楚水濱道無裨政化行處傲孤雲幸
到膺門下頻蒙俸粟分詩雖曾引玉棊數中埋軍山好
還尋去思深宜易云扇風千里秦車雨九重聞晴霧和
花氣危檣鼓浪文終期陶鑄日再見信陵君

秋夜吟

如愚復愛詩木落即眠遲
思苦香消盡更深筆尚隨
饑童春赤黍繁露灑烏桺
看却龍鍾也歸山是底時

桐江閒居作十二首

木落雨條條桐江古岸頭
擬歸仙掌去剛被謝公留
猛燒侵茶塢殘霞照角樓
坐來還有意流水面前流

香剎通真觀樓臺倚郡城
陰森古樹氣粗淡老僧情
壁畫連山潤仙鐘扣月清
何須結西社大道本無生

靜室焚檀印深爐燒鐵瓶
茶和阿魏煖火種柏根
磬數

隻飛來鶴成堆讀了經何妨似支遁騎馬入青冥

不問賡桑子唯師妙吉祥等閒眠片石不覺到斜陽
獨自收櫛葉教童探柏瓢王孫莫指笑淡泊味還長

詩琢冰成句多將大道論人誰知此意日日祇關門
乳鼠穿荒壁溪龜上淨盆因知無事貴言外更無言

紅黍飯溪苔清吟茗數杯祇應唯道在

一作
鹿

無意俟時

來樹壘藏仙洞山蒸足爆雷從他嫌復笑門更不曾開
蟬急野蕭蕭山中信屢招樹香烹菌朮詩

瓊瑤諸

境教人認荒榛引燒燒吾皇禮金骨誰美南朝

第四句八

句缺

三字

露滴滴蘆茅秋成爽氣交霜裨如蜜裏似鹽苞浮

蘚侵蛭穴微陽落鶴巢還如山裏日門更絕人敲

第四句缺

二字

澗鳥毛衣別頻來似愛吟蕭條秋病後斑駁綠苔深珠翠籠金像風泉灑玉琴孰知吾所適終不是心心

芙蓉峰裏居闕閉復何如白獾兼花鹿多年不見渠紅

泉香滴瀝丹桂冷扶疎惟有西溪叟時時到弊廬
憶在山中日為僧鬢欲衰一燈常到曉十載不離師水
汲冰溪滑鐘撞雪閣危從來多自省不學擬何為
囊非撲滿器門更絕人過土井連岡冷風簾迸葉多村
童頑似鐵山菜硬如莎唯有前山色窗中無柰何

寄馮使君

山風與霜氣浩浩滿松枝永日燒杉子無人共此時為
文攀諷諫得道在毫釐唯有桐江守常憐志不卑

經棲白舊院二首

竺卿何處去觸目盡淒涼
不見中秋月空餘一炷香
殘花飄暮雨枯葉蓋啼螿
誰禮新墳塔蕭條渭水傍
國寶還亡一時多李德林
故人卿相泣承製渥恩深
舊藁誰收得空堂影似吟
衰回不能去寒日下西岑

贈李祐道人

一作贈道士

闌茸復埃塵難親復易親
皆疑有仙術問著却愁人
祇是耽浮蟻曾云見泣麟
相逢先合手渾似有前因

贈景和尚院

藏經看幾徧眉有數條霜萬境心都泯深冬日亦長窗
虛花木氣衲掛水雲鄉時說秋歸夢峰頭雪滿牀

上宋使君

折桂文如錦分憂力若春位高空倚命詩妙古無人有
感禾爭熟無私吏盡貧野人如有幸應得見陶鈞

離亂後寄九峰和尚二首

亂後知深隱菴應近石樓異香因雪歇仙果落池浮詩

老全拋格心空未到頭
還應嫌笑我世路獨悠悠
蕭灑復蕭灑松根獨據梧
瀑冰吟次折遠燒坐來無老
櫻寒披衲孤雲靜入廚
不知我否已到不區區

送黃賓于赴舉

第三句第七句各缺一字

冬暮雨霏霏行人喜可稀
二階夜雪亞聖在春闈
馬疾頑童遠山荒凍葉飛
師無一事應見麗龜歸

題靈溪暢公墅

境清僧格冷新斬古林開
舊隱還如此令人來又來
嵐

飛黏似霧茶好碧於苔但使心清淨從渠歲月催

送高九經赴舉

回也曾言志明君則事之中興今若此須去更何疑志

列秋霜好忠言劇諫奇

志列忠言皆舊人也

陸機遊洛日文舉薦

衡時虎跡商山雪雲痕岳廟碑夫

一作憑

君將潦倒一說向

深知

東西二林寺流水

水爾何如此區區矻矻流牆牆邊瀝瀝砌砌下啾啾味

不卑於乳聲常占得秋崩騰成大瀑落托出深溝遠歷
神仙窟高淋竹樹頭數家舂碓幾處浴狷猴共月穿
峰罅喧僧睡石樓派通天宇一作潤雷入楚江浮為潤
知何極無邊始自由好歸江海裏長負濟川舟

送王貞白重試東歸

心苦酬心了東歸謝所知可憐重試者如折兩三枝雨
毒逢花少山多愛馬遲此行三可羨正值倒戈時

早秋即事寄馮使君

金脈火初微開門竹杖隨比身全是病今日更嘆誰落
葉崢嶸處諸峰爽拔時唯思棠樹下高論入圓伊

贈景和尚院

貌古眉如雪看經二十霜尋常對詩客祇勸療心瘡炭
火邕湖澗山晴紫竹涼怡然無一事流水自湯湯

寄西山胡汾

待價欲要君山前獨灌園雖然不識面要且已消魂鹿
睡紅霞影泉淋白石門伊余心更苦何日共深論

題師穎和尚院

師院清無敵，師心智不知。
臘高，清眼細閒甚，白雲單煮茗。
然楓，枿泥牆，扎祖碑。愛師終不及，謾住許多時。

遊雲頂山晚望

雲頂聊一望，山靈草木奇。
黔南在何處，堪笑復堪悲。
菊歇香未歇，露繁蟬不饑。
明朝又西去，錦水與峨眉。

劉相公見訪

千騎擁朱輪，香塵豈是塵。
如何補袞服，來看衲衣人。
莊

叟因先覺空王有宿因對花無俗態愛竹見天真欹枕
松窗迴題牆道意新戒師慙匪什都講更勝詢桃熟多
紅墨茶香有碧筋高宗多不寐終是夢中人

寄赤松舒道士二首

不見高人久空令鄙悵多遙思青嶂下無那白雲何子
愛寒山子歌惟樂道歌會應陪太守一日到煙蘿

余亦如君也詩魔不敢魔一餐兼午睡萬事不如他雨
陣衝溪月蛛絲罥砌莎近知山果熟還擬寄來麼

鄂渚逢楊贊禹

流浪兵荒苦相思歲月闌
理惟通至道人或謂無端燒
猛湖煙赤窗空雪月寒
知音不可見始為一吟看

別性空禪師

積翠迸一瀑紅霞碧霧開
方尋此境去莫問幾時迴
盪槩入檐石思詩聞早雷
唯師心似我欲近不然灰

送胡處士

不名兼不利相遇海西濱
白字未干髮清時錯愛雲頭

巾多酒氣竹杖有苔文久積希顏意林中又送君

寄澗公二首

小一頭應白孤高住歛城不知安樂否何以近無生

師常

供養十六羅漢羅漢梵語此云無生燒逼鴻行側風乾雪朕清途中逢此

信珍重未精誠

荒亂拋深隱飄零遠寓居片雲無定所得力是逢渠

光洞

山道人云吾生獨自往處處得逢渠瀑瀉羣公社江崩古帝墟終期再相

見招手復何如

寄棲一上人

花塹接滄洲陰雲間楚丘雨聲雖到夜吟味不如秋古
屋藏花鴿荒園聚亂流無機心便是何用話歸休

送僧之湖南

湘水萬餘里師遊芳草生登山乞食後無伴入雲行宿
雨和花落春牛擁霧耕不知今夜月何處聽猿聲

秋末寄張侍郎

靜坐一作處黔城北離仁半歲彊霧中紅黍熟燒後白雲

香多病如何好無心去始長寂寥還得句溪上寄三張

古一作塞曲三首

單于烽火動都護去天涯別賜黃金甲親臨白玉除一作

墀

塞垣須靜謐師旅審安危定遠條支寵如今勝古時

方見將軍貴分明帶冕旒聖恩如遠被狂虜不難收臣
節唯期死功勳敢望侯終辭脩里第從此出皇州

百萬精兵動參差便渡遼如何好白日亦照此天驕遠
樹深疑賊驚蓬迴似鵬凱歌何日唱磧路共天遙

古塞下曲七首

下營依遁甲分帥把河隍地使人心惡風吹旗燄荒搜

山得

一作見

探卒放火獵黃羊唯有南飛雁聲聲斷客腸

歸去是何年山連邏迤川蒼黃曾戰地空濶養鵬天旗

插蒸沙堡槍擔卓梨泉蕭條寒日落號令徹窮邊

虜寇日相持如龍馬不肥突圍金甲破起賊鐵槍飛漢
月堂堂上胡雲慘慘微黃河冰已合猶未送征衣

南北惟堪恨東西實可嗟常飛侵夏雪何處有人家風

刮陰山薄河推大岸斜祇應寒夜夢時見故園花

不是將軍勇胡兵豈易當雨曾淋火陣箭又中金瘡鐵
嶺全無土豺羣亦有狼因思無戰日天子是陶唐

榆葉飄蕭盡關防烽寨重寒來知馬疾戰後覺人兇燒
逐飛蓬死沙生毒霧濃誰能奏明主功業已堪封

萬戰千征地蒼茫古塞門陰兵為客祟惡酒發刀痕風
落崑崙石河崩首宿根將軍更移帳日日近西蕃

古塞上曲七首

幽并兒百萬百戰未曾輸蕃界已深入將軍仍遠圖月
明風拔帳磧暗鬼騎狐但有東歸日甘從筋力枯

中軍殺白馬白日祭蒼蒼號變旗旛亂聲一作沙乾草木

黃朔雲含凍雨枯骨放妖光故國今何處參差近鬼方
白雁兼羌笛幾年垂淚聽陰風吹殺氣永日在青冥遠
戍秋添將邊烽夜雜星嫖姚頭半白猶自看兵經

久一作大雨始無塵邊聲四散聞浸河荒寨柱吹角白頭

軍戰一作牛馬斲腥草烏鳶識陣雲征人心力盡枯骨更

遭焚

帳幕侵奚界憑陵未可涯
擒生行別路尋箭向平沙
赤落蒲桃葉香微甘草花
不堪登隴望白日又西斜

地角天涯外人號鬼哭
邊大河流敗卒寒日下
蒼煙殺氣諸蕃動軍書
一箭傳將軍莫惆悵
高處是燕然

山接胡奴水河連
勃勃城數州今已伏
比命豈堪輕磧吼
苑頭落風乾刁斗清
因嗟李陵苦祇得沒蕃名

古出塞曲三首

掃盡狂胡迹迴頭

一作戈

望故關相逢惟死鬪
豈易得生

還縱宴參胡樂收兵過雪山
不封十萬戶此事亦應閒
玉帳將軍意殷勤把酒論功高
寧在我陣沒與招魂塞
色干戈束軍容喜氣屯
男兒今始是識出玉關門

回首隴山頭連天草木秋
聖君應入夢半路遣封侯
水不擔陰雪柴令倒戍樓
歸來麟閣上春色滿皇州

聞赤松舒道士下世

東陽未亂前相別

地變賢人喪瘡痍不可觀
一聞消息苦千種破除難陰

隲那虛擲深山近始安玄闕評兔角玉器琢雞冠傲野

高難狎融怡美不殫冀迎新渥澤

時太守方錄道業奏聞徵出

遽逐

逝波瀾蛻殼埋金隧飛精駕錦鸞傾摧千仞壁枯歇一

株蘭

一作難

仙廟詩雖繼苔牆篆必鞞

師善大小篆嘗有詩題赤松子廟

煙霞成片黯松桂著行乾影挂溪流咽堂扃隙月寒寂

寥遺藥犬縹緲想瓊竿伊昔相尋遠留連幾盡歡論詩

花作席灸茵葉為盤彭伉心相似承禎趣一般琴彈溪

月側棊次砌雲殘儻忽成千古飄零見百端荆襄春浩

浩吳越浪漫漫已矣紅霞子空留白石壇無弦亦須絕
回首一長歎

贈抱麻劉舍人

郡政今良吏門風古縉紳萬年唐社稷一箇哭麻人憤
列身先死敷敷氣益貞一作真天乎資大寶泰矣見忠臣

得罪鍾多故投荒豈是屯玉寒方重澀松古更青皴鵬
鷗寧唯白龍多豈止荀道孤梳有雪恩重淚盈巾喻蜀
須憑草成周必仗仁三峰宵旰切萬里渥恩新賦鵬言無

累依劉德有鄰風期仁祖帽鼠訝史雲塵禪叟知何幸

玄談有宿因雙溪逢陸海

東陽見故浙西侍郎

荆渚遇平津

江陵見吏

部相公

落日愁聞笛何人為吐茵生徒希匠化寰海仰經

綸疾愈蟬聲老

時公在荊州閑居夏疾方可

年豐雨滴頻劉虬師弟

子時喜一相親

御定全唐詩卷八百三十

欽定四庫全書蒼要卷一萬八千二百三十六

集部

御定全唐詩卷八百三十一

貫休

夜寒寄盧給事二首

刻羽流商否霜風動地吹
邇來唯自惜知合是誰知
塹雪消難盡鄰僧睡太奇
知音不可得始為一吟之
心苦味不苦世衰吾道微
清如吞雪雹誰把比珠璣
作者相收拾常人任是非
舊居滄海上歸去即應歸

送葉蒙赴舉

年年屈復屈惆悵曲江湄自古身榮者多非年少時空
囊投刺遠大雪入關遲來歲還公道平人不用疑

聞王慥常侍卒三首

世亂君巡狩清賢又告亡星辰皆有角日月略無光金
柱連天折瑤階被賊荒令人轉惆悵無路問蒼蒼

宗社運微衰山摧甘井枯不知千載後更有此人無政
入龔黃甲詩輕沈宋徒受恩酬未得不覺祇長吁

儻在扶天步重興古國風還如齊晏子再見狄梁公棠

樹梅溪北

公為婺州大理梅溪婺之亭名

佳城舜廟東誰修循吏傳對

此莫息息

秋晚野步

藤屨兼閩竹吟行一水傍樹涼蟬不少溪斷路多荒燒
岳陰風起田家濁酒香登高吟更苦微月出蒼茫

聞大願和尚順世三首

王室今如燬仍聞喪我師古容圖得否內院去無疑

大師

行高德廣必
生彌勒內院

岳鬼月中哭松龕雪次墮直須文五色始

可立高碑

鄴衛松杉外芝蘭季孟間盡希重詔出祇待六龍還不
疾成千古令焚動四山感恩終有淚遙寄水潺潺

師稟盡名卿孤峰老稱情若遊三點外爭把七賢平苦
霧埋空室啼猿有咽聲今朝益惆悵曾沐下牀迎

愚常念法

華經師見即下牀迎云
吾不敢以衆人相待也

聞葉蒙及第

憶昨送君詩平人不用疑吾徒若不得天道即應私塵
土茫茫曉麟龍草草騎相思不可見又是落花時

送僧之靈夏

舊識為邊帥師遊勝事兼連天唯白草野餅有紅鹽蕃
近風多教河渾磧半淹因知心似月處處有人瞻

書無相道人菴

造化太茫茫端居紫石房心遺無句句頂處有霜霜白
鹿眠枯葉清泉灑毳囊寄言疑未決一作須道雪溪旁

明進士北齋避暑

相訪多衝雨由來德有鄰
卷簾繁暑退濕樹一蟬新
道在誰為主吾衰自有因
祇應江海上還作狎鷗人

晚春寄吳融于競二侍郎

白頭為遠客常憶白雲間
祇覺老轉老不知閒是閒
花含宜細雨室冷是深山
惟有霜臺客依依是往還

喜不思上人來

沃州那不住一別許多時
幾度懷君夜相逢出夢遲
瓶

擔千丈瀑偈是七言詩若向羅浮去伊余亦願隨

秋懷赤松道士

仙觀在雲端相思星斗寒

一作闌

常憐呼鶴易却恨見君

難石罅青蛇濕風榭白菌乾終期花月下壇上聽君彈

送劉逖赴閩辟

離亂生涯盡依劉是見機從來吟太苦不得力還稀路
入閩山熟江浮瘴雨肥何須折楊柳相送已依依

苦雨中作

通宵復連夕其狀祇如傾却遣思山者忽然嫌水聲好
花飄草盡古壁欲雲生不柰天難問迢迢遠客情

送僧歸日本

焚香祝海靈開眼夢中行得達即便是無生可作輕流

黃山火著碇石索雷鳴想到夷王禮還為上寺迎

有僧遊日

本云彼祇有三寺上寺名兜率國王供養中寺名浮上
極品官人供養下寺名祇上寺風俗供養有德行即漸
遷上也

贈信安鄭道人

貌古似蒼鶴心清如鼎湖仍聞得新義便欲註陰符點

化金

一作點
坐詩

常有閒行影漸無杳兮中便是應不食菖

蒲

送吏部劉相公除東川

帝念梓州民年年戰伐頻山川無草木烽火沒煙塵政
亂皆因亂安人必藉仁皇天開白日殷鼎輟誠臣一日
離君側千官送渭濱酒傾紅琥珀馬控白騏驎渥澤番
番降壺漿處處陳旌幢山色濕邛棘鳥啼新帝幕還名

儉良醫始姓秦軍雄城似岳地變物含春白必侵雙鬢
清應誠四鄰吾皇重命相更合是何人

送智光禪伯

萬事歸一衲曹溪初去尋從來相狎輩盡不是知音乞
食林花落穿雲翠巘深終希重一見示我祖師心

夜對雪寄社使君

第十四句
缺一字

片片含天意紛紛勢莫拘灑於諸瑞後

時有柏樹再
生甘露頻降

憂

恐一冬無鶴禁聲偏密風焦片益粗冷牽人夢轉清逼

瘴根徂掃徑僧傾笠為詩士棄爐橋高銀蟬螭峰峻玉
浮圖盈尺何須問豐年已可 遙思郢中曲句句出冰
壺

送王穀及第後歸江西

太宗羅俊彥桂玉比光輝難得終須得言歸始是歸風
帆天際吼金鷄月中飛五府如交辟魚書莫便稀

送盧瞻罷廬陵幕歸閩鄉

文行成身事從知貴得仁歸來還寂寞何以慰交親芳

草色似動胡桃花又新
昌朝有知己好作諫垣臣

避寇白沙驛作

第五句
缺三字

避亂無深淺蒼黃古驛東
草枯牛尚齧霞濕燒微紅

時時人愁處處同
猶逢好時否孤坐雪濛濛

聞李頻員外卒

蒼蒼難可問問答亦難聞
落葉平津岸愁人李使君
文章應力竭茅土始天分
又逐東風去迢迢隔嶺雲

江陵寄翰林韓偓學士

久住荆溪北禪關挂綠蘿風清閒客去睡美落花多萬
事皆妨道孤峰謾憶他新詩舊知己始為味如何

閒居作

閒門微雪下慵惰計全成默坐便終日孤峰祇此清身
心閒少夢杉竹冷多聲惟有西峰叟相逢眼最明

和韋相公見示閒臥

刻形求得相事事未嘗眠霖雨方為雨非煙豈是煙童
收庭樹果風曳案頭牋仲虺專為誥何充雅愛禪靜嫌

山色遠病是酒杯偏
蜩響初穿壁蘭芽半出
甄堂懸金

粟像

相公常供養
維摩居士

門枕御溝泉旦沐雖頻
握融惟孰敢

褰德高羣彥表善植幾
生前脩補烏皮几深藏
子敬羶

扶持千載聖瀟灑一聲
蟬碁陣連殘月僧交似
大顛

韓吏

部重大
顛禪師

常知生似幻維重直如
弦餅憶萼羹美茶思岳

瀑煎祇聞溫樹譽堪鄙
竹林賢脫穎三千士馨
香四十年寬平開義路
淡泞潤清田哲后知如
子空王夙有緣對歸香
滿袖吟次月當川休說
慙如捷堯天即梵天

寄山中仇禪師

舉世遭心使吾師獨使心萬緣冥目盡一句不言深野
火燒禪石殘霞照栗林秋風溪上路終願一相尋

秋寄栖一

一別一公後相思時一吁眼中瘡校未般若偈持無公時

有眼瘡因為之念多心經卷句冰團大爐煙捩橛粗勸君君記取不

用更他圖

懷匡山山長二首

白石峰之半先生好在麼捲簾當大瀑常恨不如他杉
罇龍涎溢潭坳石髮多吾皇搜草澤爭奈謝安何

見說面前峰尋常醉亦登雨餘多苗出燒甚古崖崩覓
句曾衝虎耕田半為僧聞名多歲也常恨不飛騰

懷高真動二首

知爾今何處孤高獨不羣論詩唯許我窮易到無文貫
酒兒穿雪尋僧月照雲何時再相見兵寇尚紛紛

久別無消息今秋忽得書諸孤婚嫁苦求已世情踈亂

甚無喬木溪多不釣魚祇應金一作全岳色如爾復如余

秋末入匡山船行八首

楚國茱萸月吳吟梨栗船遠遊無定所高臥是何年浪
卷紛紛葉檣衝澹澹煙去心還自喜廬岳倚青天

蘆葦深花裏漁歌一曲長人心雖憶越帆態似浮湘石
獺銜魚白汀茅浸浪黃等閑千萬里道在亦無妨

島上離家化茅茨竹戶開黃桑雙鵲喜白日有誰來擔
浪澆秋芋緣灘取淨苔回頭深自媿舊業本蒿萊

匡阜層層翠修江疊疊波從來未曾到此去復如何水
廟寒鴉集沙村夕照多誰如垂釣者孤坐鬢皤皤

晚泊蒼茫浦風微浪亦粗估喧如亥合檣密似林枯地
峻湖無潮寒蚌有珠東西無定所向用問前途

第五句缺

一字

島香思賈島江碧憶清江囊橐誰相似饒慵世少雙鬣
驚人窟月燒到繫船樁謾有歸鄉夢前頭是楚邦

南北雖無適東西亦似萍霞根生石片象跡壞沙汀莽

莽蒹葭赤微微
蜃蛤腥因思范蠡
輩未免亦飄零
曉色千檣去
長江八月時
雨淙山骨出
捍擗岸形卑
野水畚田黑
荒汀獨鳥癡
如今是清世
誰道出山遲

送僧歸華山

心苦衲亦枯
歸岳揭空盂
七貴留不住
孤雲出更

一作便

孤燒灰猶湯
足雪片似黏
鬚他日如相
覓還應道到
吳

送友人之嶺外

第七句
缺一字

五嶺難為客
君遊早晚回
一囊秋課苦
萬里瘴雲開
金

柱根應動風雷舶欲來明時好
進莫滯長卿才

送盧舍人朝覲

羶行無為日垂衣帝道亨聖真千載聖明必萬年明重
德須朝覲流年不可輕洪才傳出世清甲得高名罕玉
藏無映嵇松畫不成起銜軒后勅醉別亞夫營燒濶荆
州熟霞新峴首晴重重堯雨露去去漢公卿白髮應從
白清貧但更清夢緣丹陛險春傍綵衣生既握鍾繇筆
須調傅說羹倘因星使出一望問支鏗

上馮使君山水障子

憶山歸未得畫出亦堪憐
崩岸全隳路荒村半有煙
筆句岡勢轉墨搶燒痕顛
遠浦深通海孤峰冷倚天
柴棚坐逸士露茗煮紅泉
繡與蓮峰競威如劍閣牽
石門闕塵鹿氣候有神仙
茅屋書窗小苔堦滴瀑圓
松根擊石朽桂葉蝕霜鮮
畫出欺王墨擎將獻惠連
新詩寧妄說舊隱實如然
願似窗中列時聞大雅篇

送令狐煥赴闕

渚宮遙落日相送碧江湄陟也須為相天乎更贊誰風
高檣力出霞熱鳥行遲此去多來客無忘慰所思

送吳融員外赴闕

漢文思賈傅賈傅遂生還今日又如此送君非等閒雲
寒猶惜雪燒猛似烹山應笑無機者騰騰天地間

送姚洎拾遺自江陵幕赴京

捧詔動征輪分飛楚水濱由來真廟器多作伏蒲人捨
魯知非願朝天不話貧沙頭千騎送島上一蟬新莫使

身侵貴無矜貴逼身玉階凝正色蘭苑漲芳塵鑿輅方
離華車書漸似秦流年飄儵忽書札莫因循涼雨鳴紅
葉非煙閉紫宸憑將西社意一說向荀陳

送僧入石霜

註內缺一字

舉世祇堪吁空知與道俱論心齊至聖對鏡破凡夫業

王如雲合頭低似箭駟

牛頭大師云猶妄心起業業如雲俱合論云入地獄人頭向下

也

三清徒妄想千載亦須臾唯我流陽叟深雲領毳徒

盡騎香白象皆握月明珠寂寞排松榻爛斑半雪鬚苔

侵長者論嵐蝕祖師圖翠巘金鐘曉香林寶月孤熒熒
齊白趾赫赫共洪爐山色鋤難盡松根踏欲無難評傳
的的須到不區區撩舍新羅瘦爐煙楫拙粗燒畚平虎
窟分瀑入香厨師去情何切人間事莫拘穿林宿古塚
踏葉揭空盂無事終無事人枯便合枯鳥窠和尚云無
事無事為法道

云學向上事不入
即須如枯

好也他年相覓在亦不是生蘇

送僧歸南康

殼殼學得律還鄉見苦情遠思芳草盛不入楚山行帆

入汀煙健經吟戍月清到鄉同學輩應到贛江迎

送陳秀才赴舉兼寄韓舍人

主聖臣賢日求名莫等閒直須詩似玉不用力如山草

白兵初息年豐駕已還憑將安養意一說向曾顏

昔西社羣

公盡生安養
安養西方也

送友人及第後歸台州

得桂為邊辟翩翩頗合宜嫖姚留不住畫錦已歸遲島

側花藏虎湖心浪撼碁終期華頂下共禮淥身師

天台石橋

有白道猷坐
化身漆也

晚春寄張侍郎

遐想涪陵岸山花半已殘人心何以遣天步正艱難

時昭

宗在岐下鳥聽黃袍小黃袍禽也城臨白帝寒應知窗下夢日日

到江干

寄景判官兼思州葉使君

獨住西峰半尋常欲下難石多桐屐齧香甚藥花乾在
苒新鶯老窮通亦自寬鬢參與短簿始為一吟看

送盧秀才應舉

幾載阻兵荒一名終不忘還衝猛風雪如畫冷朝陽

時名

畫李白王昌齡常建
冷朝陽冒風雪入京

句好慵將出囊空却不忙明年公

道日去去必穿楊

聞新蟬寄桂雍

新蟬終夜叫嘒嘒隔溪瀆杜宇仍相雜故人聞不聞捲
簾花動月冥目砌生雲終共謝時去西山鸞鶴羣

寄懷楚和尚二首

吾師師子兒而復貌瓌奇何得文明代不為王者師
鐵盂湯雪早石炭煮茶遲謾有參尋意因循到亂時

跳躑諸峰險回翔萬里空爭將金鎖鎖那把玉籠籠
印缺香崩火窗疎蝸喫風永懷今已矣吟坐雪濛濛

和韋相公話婺州陳事

昔事堪惆悵談玄愛白牛

法華經以白牛喻大乘


千場花下醉一

片夢中遊耕避初平石燒殘沈約樓無因更重到且副

濟川舟



御定全唐詩卷八百三十一



總校官庶吉士臣張能照

校對官中書臣張 墀

膳錄監生臣張曾容